

FUNDED BY
ARIENNIR GAN



Cefnogi Trydydd
Sector **Cymru**

Third Sector
Support **Wales**

Grant Twf Sefydliadol Comic Relief

Ariannu gweithgarwch cymunedol i ysgogi newid cymdeithasol positif, parhaol.

Diben yr arweiniad hwn yw helpu ymgeiswyr i ddeall mwy am Grant Twf Sefydliadol Comic Relief.

Mae'r arweiniad hwn yn cynnwys gwybodaeth ynglŷn â phwy all ymgeisio am gyllid, pa fath o brosiectau y gallwn eu hariannu, a beth sydd ei angen gan ymgeiswyr.



CYNNWYS

1. Cyflwyniad.....	3
2. Egwyddorion cyffredinol	3
2.1 Pethau i'w hystyried wrth bennu anghenion eich mudiad.....	3
3. Sut fydd y cynllun yn gweithio?	5
4. Pwy all gael at y cyllid?.....	5
5. Rhestr wirio cyn ymgeisio	6
6. Budd Cymunedol	7
7. Cyllid cyfatebol.....	7
8. Y broses ymgeisio a phenderfynu.....	7
9. Talu'r grant	8
10. Adrodd am y Prosiect	8
10.1 Beth y gofynnir i mi ei fesur?	8
10.2 Comic Relief - Diwrnod Trwynau Coch	8
10.3 Pam mae angen y wybodaeth hon?.....	8
11. Cymorth ac arweiniad pellach	9

1. CYFLWYNIAD

Mae Cyngor Gweithredu Gwirfoddol Cymru (CGGC) yn gweinyddu Grant Twf Sefydliadol Comic Relief.

Mae Comic Relief yn gwybod bod angen cymryd camau ar lawr gwlad er mwyn ysgogi newidiadau cymdeithasol positif.

Bydd CGGC yn darparu'r cynllun ariannu hwn mewn ffordd hygyrch i grwpiau cymunedol ar hyd a lled Cymru, gan sicrhau ei fod yn cyrraedd y rheini sy'n gweithredu i newid a gwella eu bro.

Cefnogir gwneud penderfyniadau ar lefel leol gan gynrychiolaeth ar banel o gynghorau gwirfoddol sirol.

2. EGWYDDORION CYFFREDINOL

Bydd y dull gweithredu newydd hwn yn cynnig cyllid o dan flaenoriaethau cylch grant canlynol Comic Relief:

- **Plant a phobl ifanc** – dysgu a datblygu; datblygiad plentyndod cynnar
- **Prosiectau cymunedol** – canolbwyntio ar wasanaethau lleol gan gynnwys banciau bwyd, ceginau cymunedol a mannau diogel i bobl sy'n agored i niwed
- **Allgymorth a chefnogaeth sy'n canolbwyntio ar deuluoedd** – hanfodion ac anghenion sylfaenol / cymorth ariannol
- **Digartrefedd**
- **Gwasanaethau iechyd meddwl**

Mae mudiadau sydd â diben cymdeithasol ac incwm blynyddol o dan £250,000 yn gymwys i ymgeisio.

O ran ceisiadau am grant Twf Sefydliadol (£20,000 - £35,000) – rydym yn chwilio am geisiadau gan fudiadau sydd eisiau meithrin eu gallu, drwy weithgareddau fel archwilio maes gwaith newydd neu lenwi bwlch hyfforddi. Nid yw gweithgaredd cyllidawdy yn rhagnodol, rydym yn gobeithio cael ceisiadau sy'n cwmpasu amrywiaeth eang o weithgareddau. Siaradwch â'r Tîm Grantiau yng Nghyngor Gweithredu Gwirfoddol Cymru (WCVA) i drafod eich syniad ar gyfer prosiect drwy ffonio 0300 111 0124 neu ebostio comicreliefgrants@wcva.cymru

2.1 Pethau i'w hystyried wrth bennu anghenion eich mudiad

Mae'r grant hwn yn canolbwyntio ar dwf a gwydnwch eich mudiad. Gallai'r canllawiau canlynol eich helpu i ystyried eich cais am grant a sut bydd yn cael ei ddefnyddio i effeithio ar eich mudiad mewn modd sy'n adeiladu gwydnwch.

Mae CGGC yn diffinio 'gwydnwch' fel:

Gallu mudiad i ymateb ac addasu i newid a chynllunio ar gyfer newid, gan ei alluogi i oroesi a ffynnu nawr ac yn y dyfodol.

Mae gwydnwch yn ymwneud â:

- Llamu ymlaen
- Datblygu
- Bod yn hyblyg
- Datblygu cenhadaeth a nodau yng ngŵydd amgylchiadau ac anghenion newidiol

Cwestiynau defnyddiol i'w hystyried wrth gynllunio eich cais am grant:

- Beth sy'n gyrru eich mudiad?
- Beth sydd ei angen arnoch i weithredu'n effeithiol?
- Pwy ydych chi a sut rydych chi'n cyflawni pethau?
- Ydych chi'n gwneud pethau'n dda?
- Sut ydych chi'n ymgysylltu ag eraill ac yn lledaenu ymwybyddiaeth o'ch gwaith?



3. SUT FYDD Y CYNLLUN YN GWEITHIO?

Bydd y ffenestr ymgeisio yn agor 14 Hydref 2024 gyda dyddiad cau o 6 Rhagfyr 2024. Y gynharaf gall y prosiectau ddechrau yw 3 Chwefror 2025. Dylai prosiectau gael eu cwblhau erbyn 1 Mehefin 2026.

Mae Comic Relief a rhwydwaith CGGC yn cydnabod y gwaith ardderchog y mae mudiadau cymunedol yn ei wneud ledled Cymru ac maent yn awyddus i helpu mudiadau i feithrin eu gallu mewn ffordd gynaliadwy ac effeithiol.

Nod y gronfa twf sefydliadol hon yw rhoi'r cyfle i fudiadau gael effaith strategol a chynyddu eu cydnerthedd.

Bydd £315,000 ar gael i fudiadau sydd â diben cymdeithasol, grantiau rhwng £20,000 a £35,000.

Mae'r grantiau hyn ar gael i fudiadau sydd am gynnal gweithgarwch yn y meysydd canlynol:

- Adeiladu ar yr hyn sy'n gweithio'n dda o ran gweithgarwch cymunedol eich mudiad
- Cryfhau a mesur effaith eich gweithgarwch cymunedol craidd
- Datblygu ffyrdd newydd o weithio
- Rhoi amser i arweinwyr ddatblygu strategaeth sefydliadol
- Rhoi newid ar waith yn y mudiad i gynyddu cydnerthedd a hunangynhaliath
- Llenwi bwlch mewn sgiliau yn y mudiad
- Archwilio maes posib i'w dyfu yn y mudiad

Nid yw'r rhestr uchod yn cynnwys popeth, ac mae croeso i chi gysylltu i drafod unrhyw syniadau sydd gennych.

Bydd angen i fudiadau ddangos:

- Eu bod yn gweithredu ar lefel gymunedol, gyda'r gymuned a'i hangen yn helpu i lywio'r prosiect
- Dulliau i fesur yr effaith a geir
- Parodrwydd i rannu eu profiadau a dysgu gyda mudiadau eraill pan ddaw'r cyllid i ben
- Effaith barhaus/parhad y gweithgarwch

4. PWY ALL GAEL AT Y CYLLID?

Mae'r gronfa'n agored i geisiadau am brosiectau gan fudiadau yn y categorïau canlynol y mae eu trosiant blyneddol o dan £250,000:

- elusennau cofrestredig
- grwpiau a chlybiau cyfansoddedig
- cwmnïau dielw neu gwmnïau buddiannau cymunedol
- mentrau cymdeithasol

- cynghorau tref, plwyf a chymuned
- prosiectau partneriaeth – bydd angen i bartner arweiniol ymgeisio ac, os yw'n llwyddiannus, ddal y dyfarniad grant a rheoli'r gwaith monitro ac adrodd

Ni allwn dderbyn ceisiadau gan y canlynol:

- unigolion
- unig fasnachwyr
- cwmnïau sy'n anelu at greu elw yn bennaf i'w ddsbarthu'n breifat
- mudiadau y tu allan i Gymru
- ceisiadau a wneir gan un grŵp neu fudiad ar ran un arall

Rhaid i weithgarwch y prosiect fod yng Nghymru.

Rhaid i'r ymgeisydd gyd-fynd â'r canlynol:

- bod yn grŵp neu'n fudiad cyfansoddedig a all ddarparu copïau o ddogfennau llywodraethu
- meddu ar y caniatâd tir perthnasol, pan fo angen
- meddu ar gyfrif banc mudiad/grŵp cymunedol (ni thelir grantiau i gyfrif banc unigolion)

Ni fydd y Cynllun yn ariannu:

- Costau sydd eisoes wedi'u gwario
- Prosiectau ar dir neu gyfleuster nad yw'n agored i'r gymuned leol
- Gwella gwedd strydoedd, e.e. arwyddion, meysydd parcio
- Gweithgareddau sy'n creu elw na ddefnyddir er budd pellach i'r gymuned
- Digwyddiadau neu gynadleddau untro – gall cynadleddau a gweithdai sy'n rhan o brosiect a fydd yn cael effaith barhaol gael eu cynnwys yng nghostau'ch prosiect
- Darparu gwasanaethau y mae'r Llywodraeth/Bwrdd Iechyd yn gyfrifol amdanynt
- Unrhyw weithgarwch cenhadu crefyddol

Os nad ydych yn siwr mae croeso i chi gysylltu i drafod eich syniad ar gyfer prosiect a'i gymhwysedd.

5. RHESTR WIRIO CYN YMGEISIO

Cyn ymgeisio i'r gronfa, sicrhewch y gallwch ddarparu'r canlynol gyda'ch cais, gall eich Cyngor Gwirfoddol Sirol lleol gynorthwyo a chynghori. Rhan o rôl rhwydwaith CGGC yw cefnogi'r sector drwy roi cyngor ar arferion llywodraethu da. Os nad oes gennych rai o'r isod, cysylltwch â'ch [Cyngor Gwirfoddol Sirol](#) lleol (sydd i gyd yn rhan o rwydwaith CGGC i gael cymorth):

- Cyfansoddiad/dogfennau llywodraethu'ch mudiad wedi'u llofnodi – rhaid i ddogfennau llywodraethu'r mudiad amlinellu diben cymdeithasol y mudiad yn glir, dangos bod unrhyw elw neu asedau yn cael eu defnyddio at y diben cymdeithasol hwn, a dangos bod clo asedau yn ei le, pan fo'n berthnasol.

- Y caniatâd perthnasol i gynnal y gweithgaredd
- Copïau wedi'u llofnodi o ddatganiadau ariannol diweddaraf eich mudiad neu'r cyfrifon blynyddol a archwiliwyd ddiwethaf
- Cyfriflen Banc
- Copi o Bolisi Amgylcheddol eich mudiad
- Copi o Bolisi Cyfle Cyfartal eich mudiad
- Copi o Bolisi Iaith Gymraeg eich mudiad
- Copi o Bolisi Diogelu'ch mudiad
- Tystiolaeth/llythyrau o gefnogaeth y gymuned dros y prosiect (dim mwy na 5)
- Tystiolaeth o gyllid cyfatebol – os bydd eich prosiect yn defnyddio cyllid o fwy nag un ffynhonnell, bydd angen i ymgeiswyr roi gwybod ffynhonnell y cyllid cyfatebol i ni a darparu tystiolaeth ei fod wedi'i sicrhau. Os ydych wrthi'n ymgeisio am gyllid arall, rhowch wybod i ni ym mha gam yn y broses yr ydych.

6. BUDD CYMUNEDOL

Bydd angen i bob prosiect ddangos yn eu cais ym mha ffordd y bydd y prosiect o fudd i'r gymuned yn yr ardal lle cynhelir eu gweithgarwch. Dylid dangos drwy gydol y cais fod y prosiect wedi ennyn diddordeb y gymuned, ei fod wedi cynnwys y gymuned a bod y gymuned yn ei gefnogi. Croesawir tystiolaeth ategol. Gallai hyn gynnwys canlyniadau arolygon, llythyrau o gefnogaeth, dyfyniadau gan aelodau o'r gymuned ayyb.

7. CYLLID CYFATEBOL

Nid oes angen cyllid cyfatebol ar gyfer y cynllun a gall y cynllun gefnogi 100% o gostau prosiect. Er nad yw cyllid cyfatebol yn ofniad penodol yn y cynllun, gellir ei ddefnyddio i gefnogi prosiectau ehangach ar y cyd â ffynonellau eraill o gyllid. Gellir cynnwys cyllid cyfatebol mewn nwyddau yng nghyllideb eich prosiect, er enghraifft, darparu gweithiau, nwyddau, deunyddiau neu wasanaethau a roddir i'r prosiect gan ddarparwr arall.

Dylid hefyd gynnwys oriau gwirfoddolwyr ym mhroffil cyllideb y prosiect. Mae'r cyfraddau gwirfoddoli tybiannol ar gyfer gwahanol rolau mewn prosiect yn cael eu cymryd o'r Arolwg Blynyddol o Oriau ac Enillion (ASHE). Gosodir yr isafswm cyfradd wirfoddoli yn unol â chyfradd y cyflog byw. Rydym yn awyddus i gofnodi'r gwerth a gyfrannir at brosiectau gan wirfoddolwyr ac felly'n gofyn i chi eu cynnwys ym mhroffil eich prosiect.

8. Y BROSES YMGEISIO A PHENDERFYNU

I wneud cais am Grant Twf Sefydliadol, bydd angen i chi gofrestru gyda Phorth Ceisiadau Amldefnydd CCGC (MAP). Os ydych wedi cofrestru gyda MAP o'r blaen, gallwch fewngofnodi trwy roi eich enw defnyddiwr a'ch cyfrinair ar y sgrin gartref.

Gall mudiadau gofrestru drwy fynd i'r wefan map.wcva.cymru.

Os oes angen help arnoch i gofrestru ar MAP dilynwch y fideo [hwn](#).

Rhaid cyflwyno ceisiadau yn unol â'r dyddiad cau a gyhoeddir. Nid ystyrir ceisiadau a geir ar ôl y dyddiad cau.

Bydd ceisiadau yn cael eu hasesu a'u cyflwyno gerbron panel cynghori i'w cymeradwyo neu eu gwrthod.

9. TALU'R GRANT

Bydd grantiau'n cael eu talu i gyfrif banc eich mudiad neu'ch grŵp. Dylid rhoi manylion banc ar eich ffurflen gais. Rhaid i'r cyfrif fod ag o leiaf ddau lofnodydd awdurdodedig nad ydynt yn perthyn i'w gilydd, bydd angen enwi'r bobl hyn ar eich ffurflen gais a nodi eu cyfeiriadau ebost.

10. ADRODD AM Y PROSIECT

10.1 Beth y gofynnir i mi ei fesur?

- Pa effaith bositif y bydd y prosiect yn ei chael?
- Sut mae hyn yn cyd-fynd â'ch dewis thema?
- Sut fydd yr effaith yn cael ei mesur? A fydd modd i chi sefydlu llinell sylfaen a mesur y gwelliant ar ôl cynnal y prosiect?
- Pa mor barhaol fydd effaith y prosiect? Er enghraifft, a fydd y gweithgarwch yn parhau, a fydd yn meithrin sgiliau neu adnoddau yn y gymuned?

Bydd angen i brosiectau llwyddiannus gyflwyno adroddiad monitor ar gyfnodau 6 mis trwy gydol y broses o gyflawni'r prosiect. Bydd hefyd angen astudiaethau achos gan eich prosiect.

10.2 Comic Relief – Diwrnod Trwynau Coch

Er mwyn dangos y gwahaniaeth y mae cyllid Comic Relief yn ei wneud i fudiadau sy'n cael y grant hwn; bydd dangos yr effaith sydd wedi bod yn bosibl drwy Comic Relief yn rhan hanfodol o gyflawni'r prosiect.

Bydd gofyn i chi ddangos sut byddwch yn gwneud hyn fel rhan o'ch cais, a byddwn ni'n cefnogi'r derbynyddion grant llwyddiannus i gyflwyno cyfathrebiadau cryf drwy adrodd storïau dros hyd eu gweithgarwch.

Mae'n bosibl y bydd Tîm Cyfathrebu Comic Relief eisiau gweithio gyda chi i roi cyhoeddusrwydd i'ch cyflawniadau. Bydd sicrhau eich bod yn gallu gweithio gyda nhw i wneud hyn yn rhan hanfodol o'r broses adrodd ar y grant.

10.3 Pam mae angen y wybodaeth hon?

Bydd casglu'r wybodaeth hon gan y rheini sy'n cael grant yn ein helpu i ddangos y gwahaniaeth cyfunol y mae'r cyllid yn ei wneud yn y cymunedau lle cynhelir y gweithgarwch.

11. CYMORTH AC ARWEINIAD PELLACH

Lefel y Grant	Arweinydd Rhanbarthol	Manylion Cyswllt
Grantiau Twf Sefydliadol £20,000 - £35,000	Cenedlaethol	Ebost - comicroeliefgrants@wcva.cymru Gwefan - WCVA Ffôn - 0300 111 0124

I gael mwy o gymorth, cysylltwch â'ch [Cyngor Gwirfoddol Sirol](#) lleol.